

全唐文

金
馬
大

欽定全唐文卷七百四十一目錄

崔珙

謝賜手詔表

周公祠靈泉奏狀


李從易

請修備從祀功臣幕席奏

崔璵

授崔龜從平章事制

授張直方田牟將軍等制



魏公先廟碑

于季友

阿育王寺碑後記

盧宏宣

駁還郭釗嫡男仲文襲封郡公奏

李啟

請定僕射中丞塗遇儀式奏

張模

真空寺經幢記

鍾輅

前定錄序

陸瓌

滄浪濯纓賦

曲水栢賦

冰賦

垓下楚歌賦

沈朗

霓裳羽衣曲賦

韓昶

自爲墓誌銘

并序

郁羣老

大唐常州江陰縣興建寺碑銘

并序

潘圖

唐彭城劉府君墓誌

前定錄

欽定全唐文卷七百四十一

崔珙

珙博陵安平人書判拔萃高等累佐使府太和初由泗州
刺史入爲太府卿七年拜嶺南節度使徙武寧軍節度使
開成二年入爲右金吾大將軍遷京兆尹會昌初轉戶部
侍郎領諸道鹽鐵轉運使以本官同平章事兼刑部尚書
進門下侍郎銀青光祿大夫兼左僕射素與崔鉉不協鉉
輔政貶澧州刺史再貶恩州司馬宣宗立徙商州以太子
賓客分司東都起爲鳳翔節度使大中三年辭疾以太子

少師分司東都就拜畱守復節度鳳翔卒

謝賜手詔表

右臣伏蒙聖恩以臣當府所奏周公祠靈泉湧出畫圖進
上示臣手詔并賜潤德泉者紫泥緘啓鴻澤光臨因聖德
以感通詔微臣而褒獎捧戴無任兢惶失圖臣伏以君有
至德及於山川神降休祥見於祠宇功宣潤下道叶流謙
臣所以披圖按籙考往校今明元化之式數彰皇猷之無
遠冀光帝典用表祥經臣忝守邦獲逢理代不合蒙蔽輒
具奏聞豈謂俯迴天睠乃賜嘉名特降綸言垂於不朽與

日月而明並豈金石之能移臣見令刻石紀年置之泉側
爲一時標異俾百代同觀無任屏營感忭之至謹陳謝以
聞

周公祠靈泉奏狀

當府岐山縣鳳棲鄉周公祠舊有泉水枯竭多年去冬十
一月十七日忽因大風其泉五處一時湧出深一尺已來
又有七處見出臣差府參軍郭鎬專就泉所檢驗得狀謹
具泉水面方圓深淺分寸五處大泉水面各方圓四尺已
下各深一尺已來七處小泉水面各方圓一尺已下各深

三寸已來右臣得縣鎮狀報有此靈泉差官勘覆事皆詣
實詢諸故老博訪里閭咸稱此泉出必時泰歲豐者臣伏
以周公聖人爰正禮樂勤勞周室克佐成王載在詩書揚
於風雅宜乎神用不測澤流無窮伏惟陛下叶德坤乾侔
功造化節宣四序綏懷萬方由是地理呈祥靈泉感應名
標上善運屬和平不然何已涸之泉因風復有此蓋彰於
聖德發自神功事出尋常義高圖籙豈特涓之不濁乃鑒
媮妍積以成川方勞舟楫也臣才非周召時偶成康荷恩
渥而莫効涓塵覩休徵而空增喜躍謹具奏聞伏請付史

宮以光典冊無任歡賀悃款之至具圖一面謹隨狀奏進
謹錄奏聞謹奏

李從易

從易長慶中官宗正寺丞太和九年官廣州刺史兼廣州
都督

請修備從祀功臣幕席奏

伏以周禮設六功之官皆配烝祭漢晉已降或以袷配國
朝禘祫二享功臣皆得配於廟庭蓋以崇勲表忠亦冀招
賢廣類者也故自武德已來功臣列在祀典三十八人俾

其按樽俎之榮列君臣之位祭神如在因祭來貺宗廟合祀之時元勲配享之禮苟非誠敬曷表告虔竊見今年四月十三日禘享功臣配食者單席暴露列在殿庭雖有風雨亦不移避仰惟國之大典卑褻至此伏讀國史開元十七年元宗詣昭陵彷彿見太宗立於神遊殿前及寢宮聞室中謦欬之音又於寢宮門外設奠以祭陪陵功臣將相蕭瑀房元齡等如聞蹈舞之聲事驗神徵光輝史冊慢易乖敬則何以上副高祖太宗待劉魏房杜之本意也臣本管宗司專奉廟事庶修職業不敢因循伏請自今已後勅

有司先事修備幕次及新潔席褥以申如在之敬用展報功之思

崔璵

璵字朗士宰相珙弟長慶初登第又制策登科開成末累遷至禮部員外郎會昌初以考功郎中知制誥拜中書舍人大中五年遷禮部侍郎七年權戶部侍郎封博陵縣子轉兵部侍郎河中節度使

授崔龜從平章事制

丹青神化寅亮天工將寄陶鈞必歸才望故漢中太業魏

邴克贊其謨謀開元盛時姚宋同匡其治理嘗覽前載緬
懷斯人寤寐以求夢卜終協適當舉衆不讓知賢戶部尚
書判度支崔龜從道峻嵩華志凌霄漢氣包元精識邁前
哲巖廊符瑞禮樂英華宏通多鑒物之明堅直抱佐時之
術而學窮源委詞涌濤波吐論素勵於公忠理躬不踰於
信厚烈火方熾珪璋更寒飛霜已嚴竹柏猶翠自出入劇
職迴翔清途經歷五年恭勤一貫粉署潔賜衣之操掖垣
高白鳳之文澄清宣威節制持重暨位延舊德再掌地圖
任切良材柄耑國用閭閻不困帑藏有餘邦賦程均節之

能軍食表供須之効我有好爵本邀茂勲況乎國楨宜在
人傑是用命汝同心弼予升於鼎司執此政柄吉甫德全
於文武彥回望著於臺衡旣諧具瞻實允元輔當酌古訓
以恢今猷帖人部喉舌之雄免計曹經費之務期爾鎮撫
式彰顯榮於戲惟木從繩載懷藥石之戒惟風偃草冀流
霖雨之功與其順美以昭忠不若盡規而輔德與其嚴刑
而就理不若齊禮以安人佇聞嘉言共底交泰無令伊傅
獨美典墳可戶部尚書同中書門下平章事

授張直方田牟將軍等制

勅統環營於中禁司徼道於右街非節効素彰見義而鎔
銖爵祿威謀夙著宣力而踐更翰垣則何以爲我信臣膺
茲寵寄檢校刑部尚書兼左金吾大將軍張直方沈果知
機忠烈繼志承許國之義訓有能軍之勇名豹變除習俗
之風鷹揚多御衆之術自脫屣幽薊奉職警巡勤固有夙
夜之勞謹嚴得誰何之任前太平軍節度使田牟體懷忠
厚氣概雄邁襲台耀之洪伐振家聲於勲籍深識戰器之
本亟升勇爵之班馬嶺鴈塞常絕煙塵之警西楚東魯每
聞輯睦之方而皆早讀父書動合軍志克隆紹續之業備

詳奇正之機是宜委以禁戎爲之禦侮長期門以絕席擁
緹綺而式遏俾之重閉斯謂爾勞題劍弄印仍祇舊服勿
替徽問勉承寵光直方可右龍武將軍牟可右金吾將軍
魏公先廟碑

上闕特進侍中贈太尉鄭國文貞公魏氏在貞闕一字立家廟

于長安昌樂里後二百卅五年有來闕歲既協于帝道化

光洽前此詔贈先闕三字侍御史闕一字君爲吏部侍郎先夫

人南陽闕姓曰吾惟聖訓祭器不假宗廟爲先今吾闕二字

德慙前人而闕一字位卿相歲時尚祭寢缺然崇祀闕廟而